


浙江圖書館





浙江圖書館



浙江圖書館



雪溪漁唱集卷之三

古樂府

操

傅岩操

我築我岩兮聊於焉而獨處築之丁人兮嗟何人兮
相吾杵偶叶夢於帝所兮豈良弼之予取既肖形以
求之兮吾將濟天下以霖雨

海國圖書

戚

昌蘇
善甫校
之編選

東衡著

渭陽操

渭之濱可盤可遊渭之水湯々其流我鼓我力我屠
我牛慨吾生之弗遇聊於焉以消遙遊叶彼誘以餌我
直以鈎匪吞舟之是慕終白首以忘憂

箕山操

箕之山可以樵箕之水可以遊爰洗我耳爰棄我瓢
四無人穀弗喧弗囂我友於巢弗臣於堯清風穆々
聊傲世以逍遙

采薇操

周人有粟匪我之祿西山有薇寔療我飢寧薇而羸

兮弗粟以肥瞻首陽之崢々兮民到今而稱之

箕子操

赫々有商兮世卜其昌嗟吾辛之弗嗣兮亂厥天常
既剗其忠兮復奴其狂欲悅民以諫兮恐辛惡之愈
彰存吾宗社兮抱樂而亡寓吾道于洪範兮于吾湯
之有光

沉湘操

原有諫兮王弗我行原有言兮王弗我聽衆濁溷々
兮我何以清衆醉夢々兮我何以醒擷蒿蕪以為佩
兮舍吾蘭為不馨赴汨羅以自沉兮忍宗社之將傾

浚井操 并序

以下四操俱惑於後娶前子見斥惟聖賢
善處其變先人喪吾母不娶者四十年或
勸再娶答曰賢如尹吉甫而且見惑遂不
復娶平感先人之志而賦焉

井兮井兮深且幽父命浚兮子賤脩仰天泣兮泪橫
流父不我愛兮我何尤以土塞兮象之謨叶出旁突
兮心油兮父不豫兮我何以解憂

履霜操

跣吾足兮踐晨霜步踟躕兮獨徬徨兒在野兮父在

堂風冽々兮走且疆
摘荷葉兮製衣裳
采葶花兮塞飢腸
毋善諧兮兒寧不感
兒不自明兮心孔傷
天不我覆兮天胡可忘

前旌操

彌々其流泛々其舟
與子同往以道
母之謀爰竊其旌
先兄以行
壽代其死
飯胡為獨生
吁嗟乎弟兄

失引操

客行冒霜路漫漫
兒失引兮車不前
兒沒母兮父續絃
衣兒蘆花兮二子絮
以綿兒壯弟弱兮
母寧有偏父見察
兮撫兒憐歆去
愴然兒兮兒兮前致

言父感悟兮母子全子稱

父稱賢

在陳操

我轍兮遲々我行兮搜
在茲惟餓梁之弗繼致從者之困危系吾道之既塞
聊援琴兮解頤夫由也之愠見非斯人之所知

陋巷操

巍々尼父兮吾得師之悠々大道兮吾得窺之筭有
食兮適充吾飢瓢有飲兮聊解渴為人不堪兮我
樂孔宜撫吾心以自得兮處陋巷而莫辭

素樞操

彼華其乘彼燁其裾我覩其牖我乘其楸日月為戶
天地為廬貧非我病我心孔舒賜也其侈顧慙於予
遠利祿以自樂惟吾田之與俱

浴沂操

春既暮兮時服成浴沂水兮溫且清遊舞雩兮童冠
并詠歸來兮暢吾情黜非狂兮忘外營聖同歸兮造
高明

廢屨操

秦大夫五羊皮貧別心富貴移到牛宰羔忘伏雌積
薪如山忘廢屨蛾眉嬋娟忘故妻堂上舉樂堂下悲

吁嗟乎百里奚

妾中操

秋夫君身仕陳家在魯五日新婚別離苦五載歸來
問鄉土白頭未拜堂上親黃金先試桑間婦含羞
脉無語飲恨還家泪如雨須臾忽報夫君歸窺之迺
是桑中子妾中子孝義虧婦人托身非所宜沂之水
清漪婦之死令人悲

築城操

哭征夫長城路城忽崩夫骨露抱夫骨向何處泪血
流赴淄水願作鴛鴦水中死

精衛操

精衛禽怨長在西山有石東有海
啣石填之良有待
海若塞恨迺釋口血離
羽毛温

青陵操

王陟崇臺見妾是圖王既
有婦妾亦有夫南山有雀
不入王網羅叶王殺妾夫妾死
与俱王異其穴永矢
不孤鳥並於墓樹連其株

別鵠操

彼黃者鵠鳴雄其侶既死其頸復
戢其羽汝不畜雛
義當去汝鳴飛動哀鳴雄感別離
苦不願鳥生八九

子但願同巢共生死

雉朝飛操

朝日燦兮雉于飛雄逐雌兮不相違雄散憂兮雌
是依嗟收犢兮未有妻年日邁兮將安歸

迎慈操

慈鳥哺雛兮雛翼未翬雛忍失母兮雛驚且飛母其
不見兮雛將安歸天鑿雛孝兮母不雛違迎歸故巢
兮母克有依寸草苦短兮春陽再暉

朱鷺

維彼朱鷺集于舊鼓振其儀既翔且舞假之揚威

浙

圖

書

館

周張戎武短簫齊鳴以振其旅

艾而張

艾草莽張虞羅雀高飛離蓬蒿入網少出經多野田
啾々啄枯禾雀兮雀兮柰爾何

雉子班

雉子斑兮燁其有章斂翮來止于山之梁黃鵠奮舉
千里翱翔雄雌相逐海天茫茫有繳不能射有羅不
能張嗟彼雉子子無為人所復傷

上之回

上何之回回中通大漠淨邊烽馳玉輦駕飛龍臨慶

石幸離宮御諸蕃來犬戎胡貼伏聖德隆百官扈蹕
雲相從千秋萬歲樂無窮

巫山高

巫山峩々高插天危峯十二凌紫烟瞿塘嘈々急如
絃洄流湊逆將覆船雲梯豈可進百丈那能牽陸行
嶮岩水不前洒泪何流
水淚歸東海邊含愁對明月
明月空自圓故鄉回首思綿々側身天地心茫然

戰城南

戰城南便且捷馬奮威將英烈髮上衝昏欲裂決死
生鋒刃接手揮戈衣濺血殺賊多胡西滅胡西滅國

恥雪萬載千秋重名節

臨高臺

臨高臺高入雲下有水東西分上有黃鵠鳥哀鳴求
其群欲隨丹山鳳飛下閭闔門口嚙五色芝來儀見
明君皇圖永固三千春

公無渡河

老父提壺狂且走婦泣倉皇踵其後黃河之水流湯
湯兩岸風濤作龍吼水恠縱橫利齒牙天胡鬼我九
其首公無渡河公不聞翻身忽墮鮫龍口朝為人暮
為鬼腸斷箜篌招不起婦願身作精衛禽啣石西山

塞河水

君馬黃

君馬黃我馬玄以蒼君馬奮迅如龍驤我馬蹀躞雄
且強橫行汗流血為君淨邊疆突入單于壘生擒左
賢王歸來立仗下人馬生輝光

將進酒

君不見劉伯倫一飲一石陶天真又不見阮步兵沉
酣累月不暫醒百年三萬六千日世上幾人能滿百
昨日對明鏡顏若桃花色今日對明鏡鬢髮忽已白
安得魯陽戈為我回曦和來日已少去日多坐令豪

傑成蹉跎我欲服食金光草神仙有無何足道我欲
挾策朝

帝閨九重崔嵬不可攀不如築糟為臺玉為斗与君
共樂無何有萬古虛傳身後名一尊且盡生前酒

早春曲

青樓昨夜東風轉錦帳凝寒覺春淺垂楊搖絲鶯乱
啼裊々烟花不堪剪博山吹雲龍腦香銅壺滴愁更
漏長玉頰啼紅夢初醒羞見青鸞鏡中影儂家少年
愛遊逸萬里輪蹄去無跡朱顏未衰消息稀腸斷天
涯草碧空

相思曲

高樓重々閉明月，腸斷仙郎隔年別。
紫簫吹曲寂無聲，獨向瑤窗坐愁絕。
魚沉雁絕天涯路，始信人間別離苦。
恨滿牙床翡翠衾，怨拆金釵鳳凰股。
井深轆轤嗟綆短，衣帶相思日應緩。
將刀斫水々復連揮，刃割情々不斷落。
紅亂逐東流，水一點芳心為君死。
妾身願作巫山雲，飛入仙郎夢裏。

橫塘曲

妾家人住橫塘濱，為惜芳姿不嫁人。
南湖水深堪蕩槳，女伴相邀采白蘋。
白蘋歌斷秋風起，日暮歸來泊

烟渚綠楊堤畔紫騮嘶何處情人隔花語照水翻成
泪滿衣妾顏還与舊時非妾顏雖改心不移肯逐水
面隻鳥飛

紫鳳曲

徑伺生名簫曰紫鳳

銀蟾貼天流素光玉峯仙人吹紫鳳紫鳳離羣散清
嘯思入寒雲悲怨長餘音嘶風山石裂梅花飛春墮
香雪鬢妾宮中龍夜愁鮫人學語敲幽修江波淡人
寒不流七十二峯凝暮秋急管繁絃不須數轉羽移
商調九古空山野人踏哮虎隔竹湘妃泣秋雨有時
無聲似有聲欲与彩鳳相和鳴秦皇女兒去不返碧

海三山夢魂斷

白華詞

館娃宮中露華冷月落啼鴉散金井吳王扶頭酒初

醒秉燭張筵樂清景美不眠憐夜永起舞亭亂

花影新裁白苧勝紅綃玉珮珠纓金步搖回鶯轉鳳

意自嬌銀箏錦瑟絃相調君思如水流不斷但願年

年同此宵東風吹花落庭樹春色催人尋閑去大家

為歡莫猶豫頃刻銅龍報天曙

車遥遥

車遥遥將何之關河寥落歲云暮秦川蜀道天之涯

阿郎重利輕別離蛾眉寂守空帷昨日人來不寄

書忘却從前歡會時
妾身願為車上泥
千里萬里長相隨
車遙人日應遠機
頭錦字織不成
九曲愁腸愁欲斷

行路難

出門行路難
富貴安可期
淮陰不免惡
少辱阮生亦作窮
途悲顛倒
英雄古來有
封侯却屬屠沽兒
長安車馬隨
輕肥青雲賓
從紛交馳
白眼何人多
意氣宰牛烹羊如折葵
讌樂寧知白日短
時時醉擁雙蛾眉
楊雄閉門空讀書
門前碧草春離人
不如拂衣且歸去
世上溪浮名徒爾為

倉鼠謠

倉之鼠黠以痴白晝伏匿黃昏為期穿墉跳梁肆爾
所之太倉之粟民膏脂終歲食之飽且肥磔爾之肉
分所宜猶不尔捕將何為

雷民謠

五羊兒貪且饕猛如虎忍如梟橫斜斂重徵徭吸民
之髓食民膏民不堪命無所逃賣兒鬻女殺嗷天
不開眼肆尔驕仰天却笑天何高

綿瓜瓜陔壽林侯也

為其子

廷舉賦

瓜之生兮施於原田我培我溉惟蔓是延蔓之延兮

其隄綿々彼美林侯邦之司直來旬來宣克布厥德
惟此厥德考子孫衆多振其仁穀譽孔嘉或司邦
憲或理厥家天受其祉永矢弗磨

燁々蘭孫壽林侯也亦為廷舉賦

維彼猗蘭言樹于庭有紫其莖其葉青青湛露斯濯
為國之馨維彼芳蓀言樹于堂有婉其花有馥其芳
光風其吹為國之香有美君子厥德是茂子孫秩々
以競其秀猗与子孫延友雲仍有美君子福壽是
登

猗蘭友懷也

維彼幽蘭在河之洲願言采之念無方舟維彼猗蘭
在河之澗願言采之念無同心獨醒既遠孰佩其香
美人不來日暮徬徨

鼠食筍者貪也

相彼鼯兮云何偷兮毋嚙我笋尔其尤兮相彼鼯兮
云何黠兮毋嚙我笋尔其齶兮相彼鼯兮人所惡兮
彼貪者人胡不悟兮相彼鼯兮人所覩兮彼貪者人
胡不鑑兮

與太常寺典禮彭好古和唐李長吉十二月

樂詞

青陽轉春東風歸空
中日流光遲玉花老梅含野
姿垂楊拂水搖烟絲越羅裁杉翠雲冷雨濕瑤窓畫
陰暝高樓花枝弃攀折愁佩同心舊時結

右正月

妾家住通津東風鳥啼
花咲人遊絲不動浮爐薰綠
香繡帳嬌生春流黃錦機凝素塵夢中去與學巫山
雲泪血淺汚臙脂裙恨紫愁紅逐流水一片芳心為
君死

右二月

海棠着花嬌暮春南園
蛺蝶飛何人東頭好風夜來

起綠縹庭前一池水却憶郎君隔千里芳草魂消舊
遊地蘭芽抽春水痕淺鴛鴦浴波飛浪煖愁心彈折
枯絲桐夢回只隔秦家苑

右三月

綠槐張天擁車蓋樓臺半起青山外籜龍搖影光氤
氲嵐氣結雲橫石門、前小池涵碧漪鷓鴣屬玉相
紛飛荷盤瀉露遙參差

右四月

苔痕蝕寒甃松陰夾禱門林蟬振幽響池魚動圓
紋對此菖蒲花碧筒吸新綠水檻午風涼冰肌

欲生粟

右五月

調水絲吹紫竹引綆靈源汲寒玉臨流宴客軒窓開
酣歌擊節相徘徊六龍噴火空中來

右六月

天孫隔河鼓今宵遂團圓月照梧桐陰邀賓宴西園
小妾紅羅襦新馬青連錢飛鳥怨河濶啼螿悲夜寒
靈匹念久別清泪空闌

右七月

瑤臺駐清景虛明訝仙家老桂懸古口一色黃

金花皎、蝦蟆精流光入窓斜玉壺酒方歇露珠
滴圓荷

右八月

香冷芙蓉泣秋水落盡紅衣抱霜死越女采蓮情脉
脉光映蘭苕露華白船頭相逢何草、咫尺中懷不
能道歸來寶釧空瓏璫綠窓細雨鳴梧桐

右九月

紅光經簷西日傾老蟾倒彩南山明芙蓉為屏錦為
幕留得小春盈翠閣銅龍嘶更愁夜眠酒醒不耐霜
華寒咲牽羅袂鳴凌環

右十月

馮夷剪水飛冷光立死萬木凋群芳吳姬咲猷紅椒
酒願介郎君百千壽江南梅花吐寒素枝頭漏泄春
歸處

右十一月

酸風吹雲電初灑龍捲驪珠向空下玉壺凍結水漸
寒衾鉄稜々怨長夜

右十二月

曆晷餘成歲時靈臺觀天勞度推玉兔倒逐金烏飛
白駒隙景猶遲々騎龍曦和古帝子轉轂推車莫

停齋

右閨月

與錢允言和東坡學士四時詞

東坡吹香杏花落蝴蝶紛紛入簾幙含嬌無力下瑤
階忍向蒼苔拾餘萼寶帶圍春減雪肌宛轉新詞將
寄誰思君路隔天涯遠泪痕濕透芙蓉衣
銅龍滴愁：夜永月墮銀床簟紋冷蜻蜓花落玉燈
殘錦瑟無聲綠窓靜青鸞鏡掩双蛾顰遠山一抹將
誰勾願郎歸來須及早高樓莫恋如花人
鏡掩菱花古銅綠泪血斑斑染修竹蠨蛸飛喜上宵

衣熠耀流光入秋屋明月窺人啓半肩攬衣獨口臨
前庭幽懷脉々憑誰寫四壁唯聞絡緯聲

霜滿江城夜吹角冷逼鴛幃錦衾薄含愁自惜娉婷
姿未信朱顏易衰落遠樹隴々啼曙鴉扶桑旭日明
鮮霞不知此際天涯客還憶羅浮夢裡花

浙江

雪溪漁唱集三卷終

浙江圖書館

雪溪漁唱集卷之四

海昌蘇平秉衡著

西蜀晏鐸振之編選

歲里王貞慶善甫校

七言古詩

姑蘇臺

吳王霸業雄且強
吳王宮中白日長
兔物初來越溪
女蘇臺高起天
中央盛春衫裁
白苧粉黛三千樂
歌舞夢入巫山
雲滿衣睡起花
枝日當午話也
何人竊高位諫
諍無聞尊驕姿
恣扶目那知國
士忠捧心

詎識妖狐媚半夜聽歌酒半醒越兵尋已下吳城西
施復逐范蠡去太伯宗社俄摧傾香徑蕭條入平野
昔日綺羅成土苴烏啼夜月廢城頭鹿走春風舊臺
下臺下蒼烟迷故丘臺前江水至今流多情惟有閨
門柳落日空含萬古愁

羯鼓歌

年五布範詩講同賦

李家三郎愛歌舞厭聽南薰曲中語花奴催蒼槌羯
鼓人敲雷鳴百花吐須臾萬樹雲霞紅東皇不敢爭
春風妃子臨軒動微笑花奴迺有回天功凝碧池頭
駐鷺駕盡日看蒼恐花謝眼中鮮語花更嬌不惜千

金買長夜從此君醉傾國却笑周王戒無逸漁陽禩
兔鼓鞞急猶抱妖環向花筵

分得駝馬避路送魏御史原

有客有客烏臺仙獨乘駝馬青連錢綉衣白簡裁錢
冠紅纓紫鞵珊瑚鞭陌上行人行且止恐是漢庭桓
御史鉄面秋飛栢府霜銀蟾夜浸冰壺水始知駿骨
非駑駘經過滿道清風來不但金吾膽猶落能令人
山岳搖崔嵬我觀此君最潇洒攬轡令人自驚駭
治世今無道上狼觸邪還勝山中身行人報趨明
光承恩又擬登岩廊霜蹄蹠蹠忽不見薊門烟樹

遙蒼蒼

送賈千戶

將軍好文仍好武，少小辭家向邊土。
弓馬寧辭汗血勞，一劍長懷事明主。

聖人御極四海寧，論功列爵睢陽城。
平生忠義慕張許，乾坤赫赫流英名。
簪組相承有賢似，白首歸來戀

桑梓。萬里重尋海上家，百年復繼墻間祀。
穹碑屹立

照夜臺，坐聞遼鶴令人哀。唐陵漢寢寂寞子孫冠，
蓋

那能來多君。焚黃慰幽鬼，白楊蕭蕭黯愁色。
野墅荒

涼景物殊回首繁華已陳跡。世事浮雲安足擬，
念舊

依人問鄉里青山臺榭認成墟
白社交遊半為鬼我聞君家全盛時
滿門珠履相追隨義塾弘開鳳岡北
文毅遠振東南陲俯仰滄桑易為改
草湍梁園竟誰在由來積善迺在君
畫錦榮歸耀光彩故人相逢席未溫
春風又見動行軒丈夫握手慷慨別
臨岐何必傷離魂勿勿復何睢陽去
遙指天涯認歸路驪駒漸遠不可攀
明日相思渺烟樹

送李正蒼

浙

聖人御極當文明黼黻治道羅群英
九重徵書一何急憐君復上公車
行西風吹香白蘋老落日開筵對

秋草丈夫意氣貴慷慨離別何須掛懷抱黃金臺高
渺何處雲裡沙堤舊遊路霄漢晴烟一鶚飛天涯流
水孤帆度吁嗟去矣不可追功名還與古人期滄洲
明月誰為伴回首令人千萬思

壽金粟公子

長庚光芒照天碧洞府深沈列瑤席主家壽日相為
歡擊鼓撞鐘宴佳客金烏飛遲清晝長東風吹塵流
暖香庭前桂樹懸古色蘭芽露濕叅差光味冽中山
酒初熟王母蟠桃幾回結青鸞傳書紫鸞舞霧裡仙
人隔屏語鳳笙吹空綵雲動玉山將頽翠娥擁翠娥

一咲花盡開香壓闌干覺春重醉來高歌筆如掃弱
水蓬萊眼中小與君共挾洪崖仙咲拂烟霞拾瑤草

錢氏慶壽圖

琪樹陰深洞門曉蓬島參差碧雲遠胎禽隔竹啼紫
烟白鹿春深卧芳草洞裡翻嫌日月遲壺中頓覺乾
坤小仙人綠髮顏如玉獨坐高歌紫芝曲爛斑彩服
壽遐齡東海添筭已盈屋青鸞飛下西瑤池蟠桃蒼
開酒初熟

舞劍歌

為錢曄賦

錢君能文復能武勢力猶能縛生虎酒酣手握蒼龍

精糠慨尊前為余舞練帶新磨礪鵝尾三尺光芒射
秋水西方鬼母聲啾啾橫道寧知白蛇死翻身不覺
雄心動揮霍令人骨毛竦縱橫幽壑起潛蛟宛轉虞
廷下儀鳳須臾倚天為低閃燦紫電搖虹霓銀燈
慘淡四壁靜陰風繞地寒淒淒膏中壯氣時時叱怒
髮衝冠孰能侮鴻門小項不須誇公孫大娘安足數
夜深舞罷山日落請君截鋒斂其鏑會須報
國斬樓蘭萬里橫行淨沙漠

琵琶行

程君程君瀟洒姿十年落兔天之涯相逢一咲語溪

上為我高歌白雪辭白雪辭高和應寡樂府新聲迥
其下却將萬事付浮雲平生豈是悠々者酒酣更拂
鷓鴣絃十指才動敲鏘然刁騷淒切斷復續玉塔擊
碎珊瑚鞭初疑明妃向沙漠莫馬上彈愁泪珠落胡
天霜冷白雁啼古磧寒泉瀉幽壑又疑潯陽夜半時
美人怨別含悲悽悽江波淡々浸明月黃蘆颯々秋
風吹轉羽移商調偏好主人不覺開懷抱銀燭高烧
坐樓殘曲盡餘音猶杳浙秦青之耳天下無世俗徒
好吹齊竽明朝拂衣且歸去得不為爾重嗟吁得不
為爾重嗟吁

唐明皇擊鞠圖

為凌乘耕賦

楊家女兒矜國色李家三郎重遊逸宵旰何曾理萬
機不似開元舊時國落花滿地鋪紅茵列騎突出黃
金門大家擊鞠且行樂秦國號國偏承恩三姨含嬌
春意重一片行雲眼前擁越羅戲々裁春衫金鈿墮
處香塵動衆中獨有黃耆綽談吐風流善為謔營州
裊兒真羯奴碧眼窺春禍根作天閑騾裏如遊龍錦
毬擊入青雲中國忠力士勢欹勢諸王不敢爭春風
雙隼森然立天表飛過毬門共稱好影落金丸鳥外輕
光墮流星馬前小

聖人垂衣四海治端拱無為鎮華裔一丸擊動天地
心坐覺山河手中碎萬乘胡為肆馳騁樂極哀生在
須頃漁陽鼙鼓敲如雷蜀道間關夢初醒

秋臯遊騎

為曹汝器賦

將軍虜力才且雄霜蹄天矯如飛龍腥胡聞威遠服
匿掃蕩萬里烟塵空煇來競入橫門道子々旌竿卷
秋昊湛露滋開月窟花剛風吹折天山草々枯校獵
原野平羽箭一發追流星鹿兮鹿兮走且鳴飛騎入
水蛟龍驚才官口猱簇如兩鞞勒須臾立沙渚飛鷹
直欲爭豺狼走狗何曾問鼯鼠

聖人在位四海寧已挽天河洗甲兵將軍將軍樂閑
暇好与部伍歌昇平

五馬圖

為徐公 畫賦

聖王御極開鴻濛寰宇一掃烟塵空天閑五馬如五
龍歸來遠牧苑林中五彩紛紜雜顏色鳳臆昂人總
超逸立伏金門勢更雄姿弗与駑駘匹一一飛騫
骨森聳掉頭不覓金御銜重翼北曾空萬馬群渥漣
自是千金種滿身雲霧浮龍氣伏樞調良信多異振
鬣奔馳紫電光弄影驕嘶玉蹄碎奚官牽來向御溝
桃巷片々隨春流垂楊乱拂沙堤路首蒼還勝大宛

秋破敵曾經汗流血萬里橫行豈曾蹶奮迅朝辭閭
闔風翩翩夜路瑤池月前朝學士宋王孫雙闕朝回
得趣新醉拈頰筆為寫真奴視韓幹誇絕倫權奇自
古房星墮赤兔烏駝迺其下時無伯乘與方臯卒世
何人識真馬

六龍圖

為硃川朱肅賦

龍兮龍兮陽之精倏忽變化生雷霆或飛在天或躍
海一尺之水通神靈身勢蜿蜒頭角聳氣靄光芒鱗
甲動須臾呼吸海水乾半空蹴踏風波湧僧繇畫龍
不點精點精直欲昇天竹葉公去矣不可得所翁妙

華猶傳名壁間之梭
隨霹靂池中之鯉
生兩翼欲揮
醉墨點尔精
一旦飛騰安可測

聖人御天乘六龍
千里雲相從
攀鱗我欲作霖
雨沛澤下土
蘇疲瘠

三駿圖

為陳都帥書

房星耀天光
陸離墮地
化作三權
竒溼
滄水深
產靈
異氣勢天矯
真龍姿風鬣
飄蕭雙耳峻
兩目炯然夾
明鏡
郭家獅子未足誇
項羽烏騅豈能並
何年貢入
天門裡
奚官調良勞
祿飼將軍出塞
斬樓蘭為君一
日行千里層稜倍是麒麟骨
冀北群空萬人惜
龍眠

居士稱盡師筆法如神見飄逸陳侯得之愛如寶
韓幹名何草々愧我才非李謫仙天馬長歌筆
如掃

三友圖

羿妃宵奔廣寒闕髯龍嘶風山石裂湘娥隨泪紅斑
斑鵬斷蒼梧隔雲別羅浮仙人夢初醒縞衣玉肌愁
夜冷相逢永結歲寒盟同向瑤臺弄清影

清風亭

為無錫錢口心賦

先公手植淇園竹森立亭々萬竿玉搖空匝地藹碧
雲彷彿篔簹舊時谷篔簹父谷中事幽討三廷蒼苔

迹 林壑惟容二仲過
咲引壺觴豁懷抱
先公去矣迹尚存
相對此君如見親
虛心直節良可愛
清風灑洒無囂塵
繼志由來在賢子
築亭迺在清風裡
清風六月驅炎蒸
襟佩冷然今如水
商飈忽爾來天末
斷續高低殊未歇
四簷颯颯還響琳
球一榻繽紛亂蒼
雪有時移床就綠
陰焚香獨坐彈鳴
琴清泉自洗塵中
耳白石偏宜物外
心有時枝頭掛巾
幘墨客騷人共遊
逸繁華不讓辟疆
園幽致還勝子猷
宅丹鳳竄趾翠鸞
舞齊雲落星何足
數惟羨君家一草
亭留得清風傳萬
古

聽秋軒

為無錫過廷章賦

美人平生愛修竹，置身穴在篔簹谷。
籜龍搖翠忽嘶寒，綵鳳翻空藹晴綠。
高飈入枕上來滿耳，蕭騷憂鳴玉。
彷彿孤蓬泊烟渚，夜半青天墮秋雨。
鉅鏗鉤仙樂，張洞庭，鬼魅幽修隔烟語。
分明瑤瑟怨英皇，雲暗蒼梧渺何許。
須臾風停滿初靜，襟珮冷然詩夢醒。
攬衣自起步空庭，踏碎玲瓏月中影。

環翠軒

為錫峯錢公治賦

多君傳家保清白，佳趣悠悠遠塵迹。
逸簷種得青琅玕，密葉繁陰暗秋色。
秋色微茫香不分，九嶷隔斷蒼

梧雲鳳鳶曉白雲中度環珮宵從月下聞萬玉陰森
洞門小為惜綠苔長不掃分明淇澳水邊清彷彿簞
簞谷中好三徑盤桓足高尚長嘯中林乘蹠放辟彊
幽致良自怡蔣詡清風許誰訪雕闌日轉玲瓏影蒼
雪紛々逼人冷山童當戶忽敲茶詩夢驚回酒初醒

枯木竹石圖

渴龍吸海々水枯露出海底珊瑚株珊瑚年深錢色
古琅玕參差拂烟雨酒醒目斷崑崙山鳳凰西飛幾
時還

竹石圖

鳳尾參差碧烟泐夢裡蒼梧隔雲曉玉龍搖影秋模
糊天外飛來翠鷺小蒼雪紛紛墮晴晝拳石巉然聳
奇秀女媧一去三千年五色何人補漏

五湖烟月

為江

陰顏氏賦

顏君自是玄真子放浪形骸五湖裡萬事無營心晏
如獨棹扁舟弄烟水身世飄然汗漫遊輕如一葉蓮
花浮秋風吹浪起蘋末蕩漾萬頃玻璃秋簇簇雲帆
疾如鳥高卧中流興偏好天邊白鷺去還明江上青
山望中小放歌滄浪醉拍手驚翻水危蛟龍吼滄夷

推月海上來山河影落盃中酒人傾竹葉多高趣拍
塞胃中浩然氣神遊太極鴻濛初弱水蓬萊隔人世
夜靜蓬窗月初落歌枕分明夢孤鶴洞簫吹曲轂鳴
嗚俯仰乾坤轉寥廓我亦江湖蕭散人平生踪跡願
相親欲尋海上乘槎客共向銀河一問津

赤壁圖

為吳孝行賦

東坡先生信豪逸政事文章兩無敵立朝譴論忤權
臣一官忽向黃州謫黃州辟處西南境地接瀟湘路
幽迥平生報國盡忠良榮辱寧知在俄頃時當七月
秋氣涼扁舟載客同徜徉黃泥之坂連赤壁赤壁磯

頭浮月光影落遙空淨沉壁玻璃萬頃涵秋碧清風
徐來波不興身世飄然凌人極扣舷擊節酣且歌人
生不樂將如何洞簫吹月斷復續淒淒切切鳴鼙和
先生正襟方嘆息俯仰乾坤感疇昔鼎分鏖戰搃英
雄回首江山已陳跡寓形天地真蜉蝣放懷江漢從
遠遊夜深舉盞更酬酢何用屑人悲窮愁心事悠悠
見高致風月無邊愜深意興來辭賦追楚騷吐出胃
中浩然氣從此散名播寰宇笑彼奸回不須數丹青復
喜李將軍貌得羊標傳萬古

南渡遊湖圖

為呂山吳孝行賦

湧金門外西湖水湖上青山暮嵐紫六橋楊柳裊
烟絲十里湖光淨如洗水面風來生晚涼綠荷花
吐紅雲香隔浦吳姬蕩蘭槳沙頭鶻起雙鴛鴦長
日宸遊自容与兩人龍舟載歌舞鼓傳白雲凝翠娥
手把紅牙按金縷主人樂極忘夜歸波涵星斗搖清
輝蠟炬高烧百枝火何用數斛流螢飛錢塘自古繁
華地南渡偷安豈長計二帝蒙塵五國城那忍湖山
日沉醉

天淵飛躍圖

宣和承平樂無極艮嶽峯前恣清逸萬機不理心自

閑宵盱何曾念家國臨池寫出天淵圖睿思飄翩運
神筆上林深處春風多衆鳥紛紛互翔集頡頏上
下戀花枝宿食飛鳴良自得天池萬頃搖晴波隊
鮮鱗泛寒碧金梭兩人鏡中遊玉尺雙人藻邊擲鳶
飛魚躍趣益深生意藹然人莫敵對以分明道体存
何事林靈蠹其惑沙漠鑿與去不還五國城荒烟草
白思陵萬里漫招魂見盡令人空歎息

美人春睡圖

為唐橋張氏賦

青雲樓閣空中起樓上美人嬌歛死綠窗綉得雙鴛
鴦寶鴨烟消冷沉水玉奴夜搗紅守宮冰肌點染

花紅垂楊搖絲鳥啼歇
 鷺臺鏡掩愁春容牙床錦帳
 流蘇小龜甲屏風洞房香芳心脉々無定時睡眼朦
 朧不知曉枕痕印臉顰脂色雪腕酥胃映紗白半弯
 羅襪露春尖兩抹蛾眉淡秋碧敲烟銅龍漏轉稀
 夢魂還逐蝶雙飛多情只隔天涯路一片行雲何
 處歸

題呂山吳氏池上假山

巨靈一夜驅六丁鞭撻白石空中行
 層崖疊嶽如玉削丹崖壁立由天成
 或為蛟螭或虎距走馬奔牛勢
 回護叢桂陰森紫翠重烟霞彷彿平泉路
 蘿迳縈紆

入幽迥芝草琅玕異人境松下時來白鶴群竹深
度青鳶影鑿治遙通瀚海流蕩漾萬頃玻璃秋
風吹香白蘋老露華滴翠湘蘭愁萬朵芙蓉插
天表碧玉澄々四圍遶月明如在水晶宮弱水蓬
萊眼中小在家金谷何須數只把明珠換歌舞爭
似君家樂有餘伯仲填篋叶宮羽多君自是人中
仙岸情俯仰心超然膏車我欲訪盤谷与君一醉
三千年

蘆雁圖

為硃川陳廷玉賦

胡天萬里邊風起朔鴈隨陽度湘水兩人橫斜海上
來作陣排空碧雲裡羽儀肅々忝翱翔欲斷不斷還

成行嘹々噫々散轉切點染景物生淒涼落日寒烟
迷近遠鄉信天涯望中斷荷枯葦折楚江秋水碧沙
明洞庭晚月白風清共翔集夜冷汀洲暫棲息年來
深澤無網羅宿食飛鳴良自得硤川李君能寫生臨
池落筆如有情分明毫素入纖巧歆与崔白流芳名
陳君愛畫入骨髓終日披圖有佳趣早晚春陽大地
回只恐聯翩忽飛去

萱堂

宜男草生春意滿東風參差鳳翎短花開鵲巢燦晴
暉光照五綵斑爛衣星々鶴髮慈顏老玉樹芝蘭遶

庭好西施池蟠菽薦霞觴願親看花百憂忘

坦軒

君不見太行之山高萬丈畏途間關九折坂驅車觸
石摧其輪遊子悲歌不能返又不見瞿塘之峽高崔
嵬灑灑之水奔如雷舟行盤渦逐沉溺生死歟忽令
人哀何如顏君心坦夷平生直道無崎嶇循途守轍
不自縱尋常按轡康莊衢萬事無營心自足行險紛
紛陋餘俗端居不動安如山翻笑人間有傾覆

題何彥澤雲山圖

何侯自是文章伯五馬歸來興超逸千岩萬壑胷中

蟠揮翰臨池妙無敵酒酣寫出溪中圖金壺發汁秋
糝糊石林曙色分近遠叢薄烟光疑有無茆屋蕭
白雲裡空谷中藏隱君子隨雲好作商家霖莫戀小
山微不起

寄凌氏兄弟

盜官城西多故家鍾鳴鼎食紛如麻何如凌君好兄
弟孝義由來人所誇伯子風流出人表資稟天當富
才藻青山白石卧閑雲夜雨池塘夢芳草仲君平生
慕高潔文彩風流更超絕有時洗口口松泉放浪烟
霞勵清節白鳥忘機墮飛影萬頃波光樂吾靜湖曲

人傳賀李真山中共說陶弘景傾蓋相逢口傾倒老
去論心托交好薛家三鳳未為奇荀氏八龍何足道
乘興尋常過我遊蘭舟夜泊清溪頭彈絲飛觴不
知曙洗我萬觴曾中愁為君高歌散激烈醉擊當
筵唾壺缺人生良會須盡歡起舞花前醉明月
落惟憂憂尊酒空告歸何事更匆匆君家住近林塘
路如隔雲山千萬重雲山重一日近竚幾度相思渺
烟樹美人不來勞我心誰道相過不相過日暮歸來
見遺跡滿地落蒼春寂寂新詩吟罷重疇疇一點臨
平望中碧

送徐以寬遊武昌

東風吹綠汀洲草紫燕飛梭隔簾小柳條折愁金縷
長行人又上湖南道白王鞭敲紫駟馬送客闔門古
城下驪歌一曲凝翠娥臘蟻浮香為君瀉有意留春
春不住落紅亂逐東流去夢入巫山十二峯愁連鸚
鵡州邊樹高樓美人情有待明鏡朱顏易為改青絲
飛鞚早歸來玉容如蒼酒如海

讀空同生詩集

玉山才子東吳英雙瞳射光流電明胷中磊砢含元
精丰姿皎々冰壺清騷壇少年推獨步天仙鬼才何

足數呼風吸月入錦囊揮霍霜毫吐奇語鮫人泪珠
灑玉盆春江萬頃洪濤奔天孫織絲彩霞爛吳剛斲
月秋無痕玉纖彈高調古瑟夜半啾々鬼神泣老夫
壯氣凌青冥讀罷為君三嘆息何當作頌歌虞唐乾
坤萬_留古清光

壽徐松崖

南州仙子蓬萊客顏如渥丹眼雙碧山川毓秀天降
精南極光芒射奎壁花底張筵列尊俎五彩爛斑
前舞纈歌一曲過流雲玉笙吹空作人語雕盤再進
安期棗何須服食金光草曦和停轡天中央白日緩

緩壺天小麻姑笑下三山水為問仙翁壽齡幾海屋
新添第一籌蟠龜又結青々子

潘陽湖舟中

康郎山頭日初曙畫舫乘空自容与百里湖光一鏡
平汀鷺沙鷗亂飛翥香爐遠見匡廬峯人家只隔尋
陽樹萬古江山歸

聖朝龍戰當年定何處空洲寂歷生野烟湖水涵々
日東注欲將往事問漁人扁舟蕩入蘆花去

春曉花香

四景為錢公達賦

露錦織々護瑤島流鶯飛梭隔苍小鮮紅染出猩々

唇青帝催春覺春早東風吹塵流暖香龍涎透入羅
衣裳美人含嬌睡初起金鴨何須爇沉水

翠荷擎露

若耶花香綵雲吐翠蓋亭亭出深浦露華凝寒生夜
涼玉盤遙映參差光風回萬顆驪珠動彷彿金華曉
擎重白鷗踏浪無蕩搖傾翻恐濕鮫人綃

一窓秋影

羅衫生寒秋夜永不榻高眠夢初醒涼陰密密護瑤
臺亂影紛紛墮金井老桂吹香散輕雪熠耀流輝自
明滅蒼苔白鶴舞蹁跹踏碎玲瓏滿庭月

歲寒梅雪

朔風吹墮江南雪，一片梨雲浸明月。
縞衣仙子縹婷，姿粉痕染透瑤瑤骨。
錢君風流過，逋客香影高吟信。
無敵冷光逼人夜，如水彷彿羅浮夢魂裡。

贈色山徐以寬昆季

南州雙壁連城價，燁々清輝照人夜。
才驅三峽水，倒流萬丈虹光向空下。
青雲鶴背腰纏重，軒豁曾襟隘雲夢。
文章五采光陸離，不數河東有三鳳。
興來策蹇尋詩去，古錦奚囊貯新句。
春風草綠謝家池，夜雨蒼開紫荆樹。
聯轡走訪眉山客，泉石烟霞生成癖。
焦桐

掛壁虫網絲寶劍疑口土花澁探出床頭賣賦金買
醉為君歌白石

浙江圖書館



雪溪漁唱集四卷終

卷四

小清篋閣寫本

浙江圖書館



浙江圖書館


浙江圖書館善本


乙登記號：014511

一九 年 月 日



浙江圖書館






Blue Cyan Green Yellow Red Magenta White 3/Color Black


TIFFEN Color Control Patches

© The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17 18 19
1 2 3 4 5 6 7 8





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black